




浙江圖書館



浙江圖書館



浙 江 圖 書 館



浙江圖書館



周禮說卷之十一

司右

上士二人下士四人府四人史四人胥八人徒八十人

掌羣右之政

令凡軍旅會同合其車之卒伍而比其乘屬其

右凡國之勇力之士能用五兵者屬焉掌其政

令

圖

右謂勇力之士充羣屬車之右也凡御居車

前之中便執策控御尊者居左勇士居右王

有戎右齊右道右及五路倅車皆有右以捍

外衛尊羣右王之戎右齊右道右及五路倅

車之右皆是也掌其政令選其當否與凡用
舍行止之節也合車之卒伍者凡車十五乘
爲偏三五也凡乘爲小偏三三也二十五乘
爲大偏謂一師二千五百人之車也二偏爲
卒亦謂之廣謂合二師之車也五偏爲伍一
百二十五乘謂一萬二千五百人之車也合
之使相統率也比其乘者差比馬之膂力利
鈍使進退齊一也屬其右者連屬右之人心
使緩急救援也又將勇力之士能用戈受戟

首矛夷矛者比自屬之使掌其六練習賞罰之政

使緩急救援也又將勇力之士能用戈及戟

酋矛夷矛者皆屬之使掌其練習賞罰之政
令司馬法曰弓矢圍及矛守戈戟助凡五兵
長以衛短短以救長夫會同而倅五其車則
有文事者必有武備非特孔子也周公則然
矣又屬勇力之事能用五兵者于司右而掌
其政令則無事之時武夫皆制于官府無所
奮其私鬪矣

虎賁氏

下大夫二人中士十有二人府二人
人史八人胥八十人虎士八百人

掌先

後王而趨以卒伍軍旅會同亦如之舍則守王

閑王在國則守王宮國有大故則守王門大喪亦如之及葬從遣車而哭適四方使則從士大夫若通路不通有徵事則奉書以使于四方

虎賁宿衛王宮者也虎士八百人天子之親兵也六軍之外禁衛惟此而已王車之行以虎士擁衛前後雖趨而不失行列也王出而舍于外則以虎士守陛桓王入而在于國則以虎士爲周衛國有兵喪之故則以虎士守玉門遣車王之魂魄所依故從之而哭士大

玉門遣車王之魂魄魄所依故從之而哭士大

夫使于四方則以虎士從之護王命也道路
不通有兵寇之故也徵事奉書以徵兵也王
氏曰書齊侯呂伋以二千戈虎賁百人逆子
釗于南門之外蓋以勲戚顯諸侯領虎士也
天文虎賁列太微垣而周公戒成王以為知
恤者鮮蓋其重也

旅賁氏

中士二人下士十有六人史二人徒八十人

掌執戈盾夾五

車而趨左八人右八人車止則持輪凡祭祀會

同賓客則服而趨喪紀則衰葛執戈盾軍旅則

介而趨

官

旅賁主膂力而衛王者王策車而出則以下
 士十六人夾王車之左右車止持輪使王車
 安固也祭祀會同賓客皆吉事也則吉服而
 趨喪紀凶事也則衰葛執兵而從軍旅戎事
 也則甲冑而趨初喪葛經武士輕也

節服氏

下士八人
徒四人

掌祭祀朝覲袞冕六人維王

之大常諸侯則四人其服亦如之郊祀裘冕二
 人執戈送逆尸從車

節服氏者世能節王之衣服也王氏曰春官

節服氏者世能節王之衣服也王氏曰春官司服主禮掌制度與其藏夏官司輿服法駕且侍御掌爲王服之無府史不掌其藏也維維之以縷王建大常旌十二旒兩兩以縷綴連旁三人持之使不曳地諸侯建交龍之旗旁兩人持之其服自鷲冕而不王不送逆尸故節服二人以裘冕衣尸從尸車

方相氏

狂夫四人

掌蒙熊皮黃金四目玄衣朱裳執

戈揚盾帥百隸而時難以索室毆疫大喪先匱

及暮入壙以戈擊四隅毆方良

方相並去聲王以爲方放相貌謂放肆形貌
可畏怖也蒙熊皮者作魘頭爲可怖狀驚疫
鬼也時難以時而儻也索室毆疫入室中索
疫鬼而逐之也大喪先匱爲之前導也壙穿
地以爲穴也國語曰土之恠夔魍魎水之怪
龍罔象毆之所以安魄也王氏曰凡陰陽之
氣初則爲利功成者退留則爲戕月令季春
國門之儻曰畢春氣恐寒氣留也仲秋天子

之儻曰達秋氣恐暑氣伏也季冬大儻辟一

國門之儻曰畢春氣恐寒氣留也仲秋天子

之儻曰達秋氣恐暑氣伏也季冬大儻辟一

歲邪慝之氣也此於大虛間不過氣之宿留

者而已留而中于物則為災為疫有鬼物焉

居聲氣之間以主之故儻以毆使蕩而不留

大僕

下大夫二人

掌正王之服位出入王之大命掌

諸侯之復逆王眡朝則前正位而退入亦如之

建路鼓于大寢之門外而掌其政以待達窮者

與遽令聞鼓聲則速逆御僕與御庶子祭祀賓

客喪紀正王之服位詔法儀贊王牲事王出入

則自左馭而前驅凡軍旅田役贊王鼓救日月亦如之大喪始崩戒鼓傳達于四方窆亦如之縣喪首服之法于宮門掌三公孤卿之弔勞王燕飲則相其法王射則贊弓矢王眡燕朝則正位掌擯相王不眡朝則辭于三公及孤卿

僕御于尊者之名王吉凶各有宜服位各有宜處皆正之出大命則宣之于外入大命則納之于內復有所報白也逆有所陳奏也諸侯孤卿吏民皆有復逆所以通上下之情諸

侯復逆掌之大僕諸臣復逆掌之小臣吏民

侯孤卿吏民皆有復逆所以通上下之情諸

侯復逆掌之大僕諸臣復逆掌之小臣吏民
復逆掌之御僕皆以尊卑而爲之次第也若
宰夫則曰諸臣之復萬民之逆而民亦未始
不復吏亦未始不逆是復逆者通上下之辭
也掌受臣民奏報漢之公車宋之登聞鼓院
也大僕小僕御僕各以尊卑受之達于宰夫
告于冢宰與王參攷行之所以通下情來諫
諍也王眡治朝則大僕前導王而出正王之
位退立于虎門之左視朝畢復道王而入亦

王正位也路鼓四面示欲四方無所不達也
大寢路寢也其門外則內朝之中窮謂窮寃
失職以達于王若今時上變事擊鼓者遽傳
也若今時驛馬軍書當急聞者亦擊此鼓建
路鼓于大寢門之外非惟以鼓爲朝事早晚
之節亦以達窮者與遽令也御僕御庶子直
事鼓所者御僕有下士十二人分之爲御庶
子總名曰御僕也太僕聞鼓聲則速逆此二
官當受其事以聞謂速逆則不俟此二官入

出口而急先行迎受之也觀秦將章邯使長使

官當受其事以聞謂速逆則不俟此二官人

告而急先行迎受之也觀秦將章邯使長使
欣請事咸陽留司馬門三日不得見邯遂降
楚趙充國六月戊申上奏七月甲寅璽書報
自極遠至京師往還纔七日果以成功遽令
之貴速達如此祭祀賓客喪三事皆有法度
威儀故告之其牲事殺割七載之屬亦贊其
事王出入則道引道而居左自馭不參乘辟
王也征伐田獵王皆親鼓路鼓一面太僕則
佐擊其餘面也日月之食擊鼓以救亦贊王

也大喪始崩戒鼓達于四方非常之變必警衆也臨葬下棺之時亦用鼓之首服之法謂免髻笄總廣狹長短之數縣其書于宮門示四方也公孤弔勞王不得親往而使之往者掌其儀王與諸侯及羣臣燕飲其三燕再燕酌獻酢酬等皆有法皆左右相之也王射則贊弓矢授于王燕朝則正位若不視朝則辭于公孤卿告以不朝之意

呂東萊曰穆王命伯冏爲大僕正作冏命夫

陪僕執贊御之人後世視爲賤品而不之擇者

呂東萊曰穆王命伯冏爲大僕正作冏命夫

陪僕摯御之人後世視爲賤品而不之擇者
也曾不知人主朝夕與居氣體移養常必由
之潛消默奪于冥冥之中而明爭顯諫于昭
昭之際抑末矣穆王之命其知本哉然自周
公作立政而歎綴衣虎賁知恤者鮮則君德
所繫前此知之者亦鮮矣周公表而出之其
選始重穆王之用大僕正特作命書至與大
司徒畧等流周猶未遠也夫文武君臣之際
盛矣合而言之咸懷忠良也別而言之地愈

近而選愈精君德之成未不自左右相與
之人文武動容周旋何嘗不中禮也今必先
言侍御僕從旦夕承弼而後繼以出入起居
罔有不欽發號施令罔有不臧蓋左右交修
近臣之常職而内外交相養亦聖人不容已
之功也後世固有欲善其號令者曾不知本
諸身出入起居漫不加省徒欲謹于議令之
時所謂咸其輔頰舌感人以末者也下民祇
若萬邦咸休豈口舌所能辦乎夫穆王雖急

若萬邦咸休豈口舌所能辦乎夫穆王雖急

于左右之助苟徧告而親擇之則元首叢脞
非君道也故使伯冏正帥其僚則藹藹王多
吉士固不待穆王之親擇也又終之曰嗚呼
欽哉永弼乃后彛憲穆王卒章之命望于伯
冏者深且長矣此心不繼造父爲御周遊天
下將必有車轍馬跡道其侈者果出于僕御
之間抑不知伯冏猶在乎否也穆王豫知所
戒猶不免躬自蹈之人心操舍之無常可懼
哉

小臣

上士四人

掌王之小命詔相王之小法儀掌三

公及孤卿之復逆正王之燕服位王之燕出入

則前驅大祭祀朝覲沃盥小祭祀賓客饗食

賓射掌事如大僕之法掌士大夫之弔勞凡大

事佐大僕



小臣凡大事佐大僕爲之其小事則自掌之而已小命小有勅問也小儀法趨行揖拱之容也諸侯賓客復逆則大僕掌之至于三公孤卿在朝廷復逆則小臣掌之也王退適小

宿燕居服之玄端朱裳此小服位故小臣正之

孤卿在朝廷復逆則小臣掌之也王退適小

寢燕居服玄端朱裳此小服位故小臣正之也燕出入小有行也則為前驅雖朝覲祭祀大事其沃盥則小節故小臣司之也小祭祀小饗食小賓射小弔勞皆小臣掌之至于大事惟佐大僕不專掌也

祭僕中士六人掌受命于王以眡祭祀而警戒祭祀

有司糾百官之戒具既祭帥羣有司而反命以王命勞之誅其不敬者凡祭祀王之所不與則賜之禽都家亦如之凡祭祀致福者展而受之

王之于祭祀也冢宰正其綱宗伯正其職六
官之職各祇其事先期誓戒擇賢執事齋戒
滌濯可謂盡其誠敬備乎禮文矣而具脩之
初王不得躬眡之也乃設祭僕之職專受王
命以眡祭祀而誓戒祭祀有司糾百官之戒
具是代王眡事也已祭則帥有司而復命焉
與祭有司敬其事者以王命勞之有不敬者
以王命責之也小廟高祖以下廟也同姓之
國有先王之廟者賜之禽使自祭也臣有祭

國有先王之廟者賜之禽使自祭也臣有祭

祀歸胙于王則展示其牲醴之數也醴數者

太牢則以牛左肩臂臠折九個少牢則以羊

左肩七個特牲則以豕左肩五個

御僕

下士十有二人府二人史四人胥二人徒二十人

掌羣吏之逆及

庶民之復與其弔勞大祭祀相盥而登大喪持

翬掌王之燕令以序守路鼓

吏復民逆互文耳吏死勤事民孝友貞順者

有弔勞相盥謂奉槃授巾登謂登牲醴于俎

翬棺之飾器也形如扇以木為表燕令燕居

時之令也序更也守路鼓以待達窮民與遽令也

王氏曰太僕掌正王之服位詔法儀出入王之命故稱大小臣掌小命及小法儀故稱小禮莫重于祭特設祭僕掌其事燕居必有侍御之臣其事煩特設御僕十二人掌之四官別職而同官故共府史胥徒大僕爲之長

隸僕

下士二人府一人史二人胥四人徒四十人

掌五寢之埽除糞

洒之事祭祀修寢王行洗乘石掌蹕官中之事

大喪復于小寢大寢

鄭云此吏而曰隸事褻也以事褻故別官不隸大僕五寢五廟之寢也周天子七廟惟祧無寢五寢埽除塗堊皆其掌也乘石王所登上車之石詩有扁斯石履之卑今是也宮中之蹕佐宮正小寢四親廟寢大寢太廟寢皆王平日所有事處故于此復之

弁師

下士二人人工四人史二人徒四人

掌王之五冕皆玄冕朱

裏延紐五采纁十有二就皆五采玉十有二玉

周禮記 卷之十一
筭朱紘諸侯之纁旂九就璿玉三采其餘如王
之事纁旂皆就玉璜玉筭王之皮弁會五采玉
璣象邸王筭王之弁經弁而加環經諸侯及孤
卿大夫之冕韋弁皮弁弁經各以其等爲之而
掌其禁令



弁容冕吉服之大稱冕服六乃言五鄭以爲
大裘之冕不旒王云郊特牲戴冕璪十有二
旒冕而無旒何以爲冕乎蓋大裘亦服衮則
止五服曰五冕謂五服之冕非冕有五也五

冕制皆同言皆以該之冕板廣八寸長尺六

止五服曰五冕謂五服之冕非冕有五也五

冕制皆同言皆以該之冕板廣八寸長尺六寸上覆冠象天前低一寸象天文南極卑于北極以俛名冕也板上玄天色朱漆其裏象有耀在下延紘紘也絲爲之廣如冕加其上而下垂齊于冠象天宇下垂冕外延內深邃曰邃延紐爲之一綴冕兩旁懸統填一綴于武懸紘也纁以五采絲合之爲組文如藻以貫玉者綴冕前凡十二條後有延無旒記冕而前旒五采玉琢爲珠貫之組每組玉皆十

有二珠每玉相間一寸纁長尺有二寸除冠
高尺二寸適下垂及目象不顯其明笄玉爲
之從冠外貫于髻笄首尾出冠寸紘音橫以
朱組繫冠武兩旁下結于項垂之爲纓皆以
固冕也王以爲五服不同而冕則一冕象天
天一而已旒十二玉垂之乃能蔽目苟以爲
三旒三玉將何取焉侯當作公上公服袞九
章纁旒九就不十二璿石似玉者不以玉三
采朱白蒼不以五侯伯當七就子男當五就

二采此降于王餘如王之車謂玄冕朱裏延

采朱白蒼不以五侯伯當七就子男當五就

二采此降于王餘如王之事謂玄冕朱裏延
紐玉笄朱紘及笄皆如王縹旒皆就四字衍
玉瑱琢玉爲珠實以玄紘不垂耳象不顯其
聰鄭云二字當在五采玉十有二之下王曰
于此見之互文也王皮弁兵事韋弁眡朝綦
弁也以皮六方縫之會其合縫處以五采玉
十二飾會中曰璫詩會弁如星又其弁伊璫
是也邸抵也謂弁上頂轆處以象骨飾之玉
笄亦貫弁爲固王弼服弁如爵弁而素以總

之麻經環繞于弁外纏而不糾冕吉服也韋
弁戎服也皮弁朝服也弁經弔服也各以其
等纁旌玉璽如其命數冕則侯伯纁七就用
玉九十八子男纁五就用玉五十纁玉皆三
采孤纁四就用玉二十二三命之卿纁三就
用玉十八再命之大夫纁再就用玉八纁玉
皆朱綠韋弁皮弁則侯伯璽飾七子男璽飾
五玉亦二采孤則璽飾四三命之卿璽飾三
再命之大夫璽飾二玉亦二采弁經之弁其

辟積如冕纁之就然庶人弔者素委貌一命

辟積如冕纁之就然庶人弔者素委貌一命
之大夫冕而無旂士變冕爲爵弁其韋弁皮
弁之會無結飾弁經之弁無辟積掌其禁令
者不得相僭踰也以尊卑貴賤由乎冕弁定
等差也

司甲

下大夫二人中士二人府四人
人史八人胥八人徒八十人闕

司兵

中士四人府二人史四人
人胥二人徒二十人

掌五兵五盾各辨

其物與其等以待軍事及授兵從司馬之法以
頒之及其受兵輸亦如之及其用兵亦如之祭

禮記卷之十一
一五
祀授舞者兵大喪獻五兵軍事建車之五兵會
同亦如之

五兵擊刺勾與斬兵二而五也爰所以擊一
也刺兵一鋒直出曰鎗有枝旁出曰戈左右
有枝曰戟三隅戟曰戣二也斬兵長者斧曰
戚鉞曰揚三也短者刀劒四也勾兵酋矛夷
矛五也五盾祭朱干以舞一詩龍盾乘車所
建二蒙伐有宛註稱中于貳車所建三旅賁
虎士所執四舍設蕃盾五也辨其物與其等

者各有物色與長短大小之等也以待軍事

者各有物色與長短大小之等也以待軍事
除戎器戒不虞之意也授兵必于廟從司馬
法者令師旅卒兩人數以定所用兵多少也
及輸納兵器亦依法受之及用兵出給衛守
亦依法頒之祭祀有樂舞之兵如朱干玉戚
之類以舞大武者亦爲授大喪有明器之兵
如甲冑干竿之類亦與作其役車之五兵卽
前五兵若步卒之五兵則無夷矛而有弓矢
矣一曰夷矛雖不施于步而弓矢未嘗不施

于車故兵車射者取左御者處中戎石處右
邲之戰樂伯左射馬而右射人靡笄之戰邲
夏曰射其御則車上固有弓矢也抑考甸出
革車一乘凡甲戈盾旗物鼓鐸悉備焉鄉遂
之官簡其兵器是也調發則以其具行而官
府不與之也而司兵司戈盾司弓矢掌授兵
器非授之民也授之卿大夫從旅會同者也
故曰及其受兵亦如之卿大夫畢事則歸之
若民兵則自藏之民間耳

若民兵則自藏之民間耳

司戈盾

下士二人府一人
史二人徒四人

掌戈盾之物而頒之

祭祀授旅賁及故士戈盾授舞者兵亦如之軍

旅會同授貳車戈盾建乘車之戈盾授旅賁及

虎士戈盾及舍設藩盾行則斂之

戈甸子戟也及如杖長尋有四尺王族故士

與旅賁當事則衛王也旅賁本執戈盾而趨

此與故士同衛王故執及也軍旅會同皆有

貳車貳皆有車右授以戈盾也乘車王所乘

車也軍旅則革路會同則金路亦有車右故

建戈盾也旅賁夾王車左右虎賁趨王車前
 後舍則守王閑舍止也藩盾盾之可以藩衛
 者王會同舍若車宮帷宮設藩盾補車缺如
 藩王

司弓矢下大夫二人中士八人府四掌六弓四

弩八矢之法辨其名物而掌其守藏與其出入

中春獻弓弩中秋獻矢箠及其頒之王弓弧弓

以授射甲革楛質者夾弓庾弓以授射豻侯鳥

獸者唐弓大弓以授學射者使者勞者其矢箠

弁師
 司弓
 矢移
 司空
 可

皆從其弓凡弩夾庾利攻守唐大利車戰野戰

獸者唐弓大弓以授學射者使者勞者其六矢箠
皆從其弓凡弩夾庾利攻守唐大利車戰野戰
凡矢杆矢絜矢利火射用諸守城車戰殺矢鏃
矢用諸近射田獵矰矢第矢用諸弋射恒矢庫
矢用諸散射

弧矢用多于五兵自天子至庶人皆習射故
特設官六弓四拏八矢詳見下文弓矢畏濕
喜燥貴正賤欹當慎守藏弓人矢人入弓矢
當選擇授有司弓矢與受當比較箠盛矢器
也以獸皮爲之詩曰象弭魚服弓弩成于陽

氣方和之時故中秋獻之矢箛成于陰氣方
堅之時故中秋獻之王弧夾庾唐大六者弓
異體之名而強弱分焉往體寡來體多曰王
弓弧弓利射革與質往體多來體寡曰夾弓
庾弓利射侯與弋往體來體若一曰唐弓大
弓利初學甲革以革爲甲也革曰貫革之射
息質正也樹楛以爲射正利射革與質以其
強也豢侯五十步及射鳥獸者皆近射也利
射侯與弋以其弱也學射者弓用中以他日

羽曰強弱比自易也使役者勞者弓亦用中遠近可

射侯與弋以其弱也學射者弓用中以他日

習強弱皆易也使勞者弓亦用中遠近可也勞者勤勞王事若晉文侯文公受王弓矢之賜者矢箠皆從其弓數每弓一箠百矢如所謂彤弓一彤矢百也利攻守攻城壘與守城者與敵迫近用弱弩則發疾也利車戰野戰進退非強不及也弩無王弧者王弧往體少矢不疾也凡矢金簇而羽枯故前常重后常輕則所用異宜則輕重不等矢有金頭差重者五分之一在前二在后枉矢絜矢是也

前繫火藥火發矢奔則前反輕必矢頭重而
后平用以守城與車戰守以火禦車用火攻
也矢有金頭畧重者七分之三在前四在后
殺矢鏃矢是也此矢前後無繫惟鏃稍重故
三四分之卽得其平用以近射與獵也矢有
金頭最重者三分之一在前二在後繒矢第
矢是也繒者以絲繫矢繫絲則後重必金頭
太重而矢方平用以戈射以行可止也若恒
矢庫矢者二分之一在前一在後矢不設鏃

下而別後平用爲禮射及習射主于中而已鄭

而前後平用爲禮射及習射主于中而已鄭
氏曰枉矢狀如流星飛行有光卽今飛矛也
挈矢象焉殺矢以其中殺鏃者侯也何侯近
敵也恒者安居常之矣

天子之弓合九而成規諸侯合七而成規大夫
合五而成規士合三而成規句者謂之弊弓

王曰凡造弓以反外爲法射乃勾之而向裏
其外有合九弓而成圓者有合七弓而成圓
者有合五弓三弓而成圓者爲貴賤之等差

周禮疏
卷之十一
三
弓強弱不在此此皆據角弓未張不被弦而合之

凡祭祀共射牲之弓矢澤共射楛質之弓矢大射燕射共弓矢如數并夾大喪共明弓矢凡師役會同頒弓弩各以其物從授甲兵之儀田弋充籠箠矢共矰矢凡亡矢者弗用則更

射牲示親殺也殺牲非尊者所親惟射則宜國語曰禘郊之事天子必自射其牲澤澤宮所以習射選士處天子將祭必先習射于澤

已射于澤而後射于射宮射中者得與于祭

所以習射選士處天子將祭必先習射于澤

已射于澤而後射于射宮射中者得與于祭

此所共弓矢正弧也如數者當射者之數也

每人一弓乘矢并夾取高矢之具射鳥氏用

之矢着高人手不能及則以并夾取之明弓

矢者明器所用弓弩矢箠之屬籠竹箠也矰

矢不在箠者為其相繞亂將用乃共之更償

也用而棄之則不償弗用而亡者償之矣

繕人上士二人下士四人府一人掌王之用弓

弩矢箠矰弋决拾掌詔王射贊王弓矢之事凡

乘車充其籠箠載其弓弩旣射則斂之無會計
繕人掌繕治兵器者王之用弓弩矢箠矐弋
決拾者工人所造諸器擇其善者以共王之
用也箠盛矢之器也矐弋射之矢也弋卽繳
也以生絲而繫矢也決以象骨爲之著于右
手大指以鉤弦拾以柔皮爲之著于左臂以
遂弦王所乘車充其籠箠載矢實其中也載
其弓弩載之于車也無會計至尊所用不可
以有司之法拘之也

以有司之法物之也

橐人

中士四人府二人史四人胥二十人

掌受財于職金以

齋其工弓六物爲三等弩四物亦如之矢八物皆三等箛亦如之春獻素秋獻成書其等以饗工乘其事試其弓弩以上下其食而誅賞乃入功于司弓矢及繕人凡齋財與其出入皆在橐人以待會而攻之亡者闕之

橐弓榦也弓奠體獻成乾久而後用故曰橐主造弓矢故以名職金入其金錫于兵器之府及掌士之金罰貨罰入于司兵故繕人受

財于職金也。齎其工者，弓、弩、矢、箠，皆冬官百工造之。稟人以所受之財而爲之，齎以給其市材用之直也。三等：上、中、下，人各有長短，故用弓各有所宜。弓，人職曰：弓長六尺六寸，謂之上制；上士服之，弓長六尺三寸，謂之中制；中士服之，弓長六尺，謂之下制。下士服之，弩之于人猶夫，弓而矢之于弓、弩、箠之于矢，皆不可以不相稱。故並製以三等之法，彤法定。曰：素飾治畢曰成。弓、弩、矢、箠，皆春作，秋成。故

春獻其胎，素而秋獻其成也。書其等，書工之

曰素飾治畢曰成弓弩矢箠皆春作秋成故
春獻其胎素而秋獻其成也書其等書工之
工拙高下之等上工作上等其饗厚下工作
下等其饗薄饗酒肴勞之也乘計也計其事
之成功試考也考之而善則上其食尤善則
又賞之否者反此入功于司弓矢則以待頒
也入于繕人則共王用也皆在橐人者所齎
工之財及弓弩矢箠出入簿書橐人藏之以
待會而致之也闕猶除也弓弩矢箠棄亡者
除之爲惟計今在見者

戎右

中大夫二人
上士二人

掌戎車之兵革使詔贊王鼓

傳王命於陳中會同充革車盟則以玉敦辟盟

遂役之贊牛耳桃茢

書

戎右與君同車在車之右戎右專忠力必熊
羆之士不二心之臣故特尊王乘戎車以征

伐則戎右驂乘執戈盾以備非常使王使之

有所誅斬也兩軍相當王自鼓之而戎右告

且助之也軍聲囂雜懼有不聞則大言以傳

王命也會同之際王雖乘金路猶以革車從

行戎右則充革車之左不敢曠也有盟約之

王命也會同之際王雖乘金路猶以革車從
行戎右則充革車之左不敢曠也有盟約之
事則以王敦共軟血辟開也將軟血者先執
其器陳載書之辭以開衆心也役之謂持敦
血以授當軟者人牛耳割牛耳以取血也桃
茹以桃條爲帚而掃除不祥也

齊右

下大夫二人

掌祭祀會同賓客前齊車王乘則

持馬行則陪乘凡有牲事則前馬

齊右充玉路金路之右者臨川王氏曰金路
以賓亦謂之齊車齊正所以承祭祀王敬賓

如祭故也前齊車王專將駕則執策立在馬前以候也王方乘則持馬所以備駭輿之患也既乘而行則乘車爲驂乘王見牲則拱而行前馬却行備馬驚而車駭也齊右之嚴于事王思患預防無須史之離矣

道右

上士二人

掌前道車王出入則持馬陪乘如齊

車之儀自車上諭命于從車詔王之車儀王式則下前馬王下則以蓋從

道右充象路之右者道車王所常行大道之

車謂象路也王之出入乘則持馬行則陪乘

道右克象路之右者道車王所常行大道之
車謂象路也王之出入乘則持馬行則陪乘
皆如齊右之儀也王行則以車從王有命焉
則道右宣王命以諭之也王之車儀如升車
在車立視式視無非車之儀也道右詔之則
周旋若神矣王下車則以蓋從表尊也亦以
儀輔王也

王五路五僕止三右者祭祀賓客皆主敬故
齊右上兼玉路師田皆兵戎右下統木路也

大馭

中大夫
二人

掌馭玉路以祀及犯軼王自左馭

馭下祝登受轡犯軼遂驅之及祭酌僕僕左執
轡右祭兩軼祭軼乃飲凡馭路行以肆夏趨以
采齊凡馭路儀以鸞和爲節

大馭卽玉路之僕馭之最尊者也王出郊以
祀則乘玉路以行軼者封土象山以菩芻棘
栢爲神主旣祭以車轢之而去喻無險難也

王自左馭者當下車祝神故王自馭以制馬
使不行也祭已馭升車而受轡遂驅車以犯
軼僕卽大馭也軼謂轂末軼謂軾前將犯軼

之時有司以祭餘之酒酌之大馭左手執轡

輶僕卽大馭也。軼謂馭末。軼謂馭前。將犯輶之時，有司以祭餘之酒酌之大馭，左手執轡，右手祭馭末，及軼前，然後飲之。堂上謂之行門外，謂之趨行。欲其舒，故工歌肆夏之詩以節其行；趨欲其疾，故工歌采芻之詩以節其趨。和鑾皆金鈴也。和在軼，鑾在衡。馬動則鑾鳴，鑾鳴則和應。大徐不鳴，大疾則不續。舒疾有節，所以養王聰明而非辟之心，無自入也。

戎僕

中大夫二人

掌馭戎車，掌王倅車之政，正其服。

犯輶如玉路之儀。凡巡守及兵車之會，亦如之。

掌凡戎車之儀

官

戎車革車也師出王乘以自將者以韋飾側謂之輜輶可以禦矢石故以卽戎倅副車也服謂衆乘戎車者之衣服甲士之衣各依其方色故正之用兵遠行故亦有犯輶之禮其儀如玉路凡巡守則太師從兵車之會亦乘戎車其政其儀並如行軍凡戎車之儀者戎以威爲主甲冑有不可犯之色則戎車之儀可知矣

齊僕
二人
掌馭金路以賓朝覲宗遇饗食比

可知矣

齊僕

下大夫二人

掌馭金路以賓朝覲宗遇饗食皆

乘金路其法儀各以其等為車送逆之節

王將朝覲會同必齋待賓如神也故車與僕皆以齋名節者王乘車送逆諸侯各以其爵命尊卑之等而為遠近之節大行人所謂上公九十步侯伯七十步子男五十步司儀所掌達送拜辱及出車送之法儀也郊特牲曰覲禮天子不下堂而見諸侯此因朝覲宗遇而與之行饗食禮在廟乃有送迎之法也

道僕

上士二人

掌馭象路以朝夕燕出入其法儀

如齊車掌貳車之政令

王居常行路之車道僕掌之象路以朝道車

卽象路也朝夕在正朝來往而言燕者以其

在宮中行事皆稱燕其法儀如齊車則其度

數動容亦各以其等爲之節也貳車亦佐車

也道車之副謂之貳戎車之副謂之倅田車

之副謂之佐

田僕

上士十人

掌馭田路以田以鄙掌佐車之政

設驅逆之車令獲者植旌及獻比禽凡田王提

田僕有士十人掌馭田路以田以鄙掌佐車之政
設驅逆之車令獲者植旌及獻比禽凡田王提
馬而走諸侯晉大夫馳

玉路以馭名官諸路曰僕不曰馭尊玉路也
田路卽木路也王乘之以田獵又乘之行縣
鄙佐車田車之副貳也驅者驅禽使前趨獲
逆者逆還之使不出圍也令獲者植旌使樹
旌以告獲也比禽比其所獻之大小多寡也
王安石曰提節之晉進之馳則亟進之尊者
安舒卑者速疾

馭夫中士二十人下士四十人掌馭貳車從車使車分公馬而駕治之

貳車五路副車從車公卿大夫從王車使車

王命適四方所乘車三者皆公車故分公馬

而駕治之駕治者駕而調治之習其步驟而

去其驚蹏也

校人中大夫二人上士四人下士十有六人府四人史八人胥八人徒八十人掌王

馬之政辨六馬之屬種馬一物戎馬一物齊馬

一物道馬一物田馬一物駑馬一物凡頌良馬

而養乘之乘馬一師四圉二乘為皂皂一趣馬

一物道馬一物田馬一物駑馬一物凡領良馬
而養乘之乘馬一師四圉三乘爲皂皂一趣馬
三皂爲繫繫一馭夫六繫爲廐廐一僕夫六廐
成校校有左右駑馬三良馬之數麗馬一圉八
麗一師八師一趣馬八趣馬一馭夫天子十有
二閑馬六種邦國六閑馬四種家四閑馬二種
校人養馬之官自戎右至馭夫凡九職所以
掌五路之車自校人至圉人凡七職所以掌
五路之馬政謂差擇養乘之法也種馬良馬
可爲種者玉路用之一物謂以一類相從也

戎馬駕戎路者齊馬駕金路者道馬駕象路者田馬駕田路者駑馬給宮中之役者天子之馬五良而一駑頒良馬頒諸掌馬之官也馬不乘驕憤而無用乘不養罷敗而易耗頒馬官養乘之乘以一車四馬而名曰良馬一知馬性者爲師教四圉人養之圉止也馬有駕脫一駕則一食一息故三乘爲節馬十有二頭趣馬一人主之皂圍也趣言鞭策趣使服御馭夫卽前馭夫車馬官通馬三十六頭

分二而駕治之繫維繫之也僕夫卽五僕馬二

服御馭夫卽前馭夫車馬官通馬二十六頭
分而駕治之繫維繫之也僕夫卽五僕馬二
百一十六頭車五十乘乾爲馬應乾之策也
十二廐馬千二百九十六頭車三百二十乘
有奇中大夫二人分左右校主之而王馬少
備矣駑馬三倍良馬之數八當六字之誤也
二匹爲麗是二駑共爲一圉也六麗一師則
有馬十二匹六師一趣馬則有七十二匹六
趣馬一馭夫則有馬四百三十二匹從而三
之則爲千二百九十六匹五良一駑凡三千

周禮疏 卷之十一 三十一
四百五十六匹而王馬大備矣天子馬六種
謂種戎齊道田騶也諸侯之馬四種視王馬
無種戎也卿大夫之馬三種視王馬止有田
騶也

凡馬特居四之一春祭馬祖執駒夏祭先牧頒
馬攻特秋祭馬社臧僕冬祭馬步獻馬講馭夫
凡大祭祀朝覲會同毛馬而頒之飾幣馬執朴
而從之凡賓客受其幣馬大喪飾遣車之馬及
葬埋之田役則帥驅逆之車凡將事于四海山

川則飾黃駒凡國之使者共其幣馬凡軍事物

葬埋之田役則神驅逆之車凡將事于四海山川則飾黃駒凡國之使者共其幣馬凡軍事物馬而頒之等馭夫之祿宮中之稍食

特牡馬也三牝一牡欲其生之多也馬祖天駟星也先牧始養馬者馬社廐中土示祭之以祈福馬步厲能害馬者祭之以去菽一曰行神馬出田故禱行春而執駒以馬性未定不令近牝也夏而攻特以牡馬踶齧故攻鑿其蹄也秋而臧僕簡爲馭者令皆善也冬而獻馬講馭夫獻成馬于王講習僕御之法也

毛馬齊其色也幣馬以馬與幣同贈賜者賓
客幣馬則庭實之馬遣車之馬則塗馬芻馬
也王巡狩過山川則殺黃駒以祭告猶郊用
犢也軍事物馬齊其力也宮中稍食養王馬
于內者也

趣馬

下士皂一
人徒四人

掌贊正良馬而齊其飲食簡其

六節掌駕說之頒辨四時之居治以聽馭夫

良馬以駕五路者校人既物而乘之矣趣馬

又贊而正之恐其有弗良也齊其飲食使饑

飽適也簡其六節王曰驅之而晉旋之而反

又贊而正之恐其有弗良也齊其飲食使饑

飽適也簡其六節王曰驅之而晉旋之而反

此進退之節提之而走控之而止此行止之

節驟之而趨馳之而奔此馳驟之節簡謂督

策之此合節掌駕說之頒一駕一脫使勞逸

均也居謂牧房所處二月後在牧有房八月

後在廐有閑也治謂執駒攻特之屬

巫馬下士二人醫四人府一人掌養疾馬而乘

治之相醫而藥攻馬疾受財于校人馬死則使

其賈粥之入其布于校人

巫知馬祟醫知馬疾故巫助醫乘謂驅步以發其疾知所疾處乃治之受財謂共祈具及藥直也賈知馬價馬死則使其鬻之也

牧師

下士四人胥四人徒四十人

掌牧地皆有厲禁而頒之

孟春焚牧中春通淫掌其政令凡田事贊焚萊

牧地泉甘草美之處厲禁爲之遮護禁止使

人不得耕牧也頒之授圉人以所牧處也孟

春黃落之餘焚牧使新草暢茂也中春交生

之時通淫使馬類蕃息也焚萊掌于山澤之

虞牧師贊之護牧地也

之時通淫使馬類蕃息也焚萊掌于山澤之
虞牧師贊之護牧地也

廋人

下士閑二人史
二人徒二十人

掌十有二閑之政教以阜

馬佚特教駢攻駒及祭馬祖祭閑之先牧及執
駒散馬耳圉馬正校人員選馬八尺以上爲龍
七尺以上爲駉六尺以上爲馬

廋之言匿也以閑者馬之所隱也政教者自
阜馬以至圉馬皆有政教也佚特者乘用有
節使不甚勞三歲曰駢教駢者始乘習之也
二歲曰駒攻駒者治其踀齧也散馬耳謂以

竹括狎其耳無令善驚也員選謂選擇可備
員校人者八尺以上天子以駕五路者故稱
龍七尺以上諸侯之上駟故稱駟六尺以上
特常材爾故但稱馬

圉師

乘一人徒二人

掌教圉人養馬春除蓐釁廐始牧

夏庠馬冬獻馬射則充楛質茨墻則剪鬮

冬寒藉馬以蓐春則除之馬久羣聚瘟疫生
焉殺牲釁廐辟去邪氣也庠廐也所以庇馬
涼也楛質以木爲之縛草以代侯者鬮苦也

茨墻則剪草以苦蓋也皆因其所習使之

涼也椹質以木爲之縛草以代侯者鬪苦也
茨牆則剪草以苦蓋也皆因其所習使之

圉人

良馬匹一人
駑馬麗一人

掌養馬芻牧之事以役圉師

凡賓客喪紀牽馬而入陳廡馬亦如之

芻以飼馬牧以放馬皆所以養之也圉人受

教于圉師故聽其役也賓客則牽馬而陳于

館喪紀則牽馬而陳于廟廡馬遣車之馬也

自校人以下至此所掌皆公馬也養之于官

若司馬云甸出長車一乘牛二頭馬四匹則

國馬也民自畜之以待征調

職方氏

中大夫四人下大夫八人中士十有六人府四人史十有六人徒百有六十八人

掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

王氏曰大司空掌建邦國土地圖東方曰夷

南方曰蠻東南曰閩西北曰貉西方曰戎北

方曰狄七八四五六各種數也白邦國以

至于戎狄雖有內外華夷之不同然王者有

分土無分民政之所施無遠不届故凡戶口

之登耗財用之贏虛九穀六畜之生產皆各

分土無分民政之所施無遠不屆故凡戶口
之登耗財用之贏虛九穀六畜之生產皆各
有數焉其數則列而計之其要則總而計之
將以施政教也其地有利所當興害所當除
者亦周知之

乃辨九州之國使同貫利東南曰揚州其山鎮
曰會稽其澤藪曰具區其川三江其浸五湖其
利金錫竹箭其民二男五女其畜宜鳥獸其穀
其稻

劉氏曰辯九州使同貫利者四方之人民好

惡不同財用有無不等必周知其利害貫而
通之使有無相易善惡相濟以天下財用養
天下人民俾同享其利也東西南北主王畿
而言揚州以民性輕揚而名其山曰鎮者能
出雲雨以生萬物鎮安于一州者也水瀦不
流以生蒲魚曰澤水涸不耕而生草木曰藪
水流而趨海曰川水積而成淵曰浸其民資
之以爲生者曰利其衆待之以爲養者曰畜
其土宜之以爲食者曰穀八者九州之民仰
之以爲生也九州之邦國仰之以爲富也苟

其土宜之以爲食者曰穀入者九州之民仰之以爲生也九州之邦國仰之以爲富也苟不周知其數要則天下之民不可得而同貫其利矣得以同貫其利則雖四夷于中國亦資其有以濟其乏是以九服安于其土而不失乎其養也鄭氏曰貫事也鎮名山安地德者也會稽在山陰具區今震澤也三江大江吳江錢塘五湖彭蠡洞庭巢湖太湖鑑湖也禹貢金三品瑤琨篠蕩錫鑠也鳥獸孔雀鸞鳩鵲犀象之屬按國語伍子胥謂吳與越三

江環之范蠡曰與我爭三江五湖之利者非
吳邪然則三江五湖乃吳越之境内也春秋
越與吳戰于五湖注今大湖也然則大湖卽
五湖范蠡扁舟五湖亦同非太湖之外又有
四也

正南曰荊州其山鎮曰衡山其澤藪曰雲薈其
川江漢其浸潁湛其利丹銀齒革其民一男二
女其畜宜鳥獸其穀宜稻

荊州言其民往躁驚也禹貢荊及衡陽惟荆

州衡山在湘南荆雲蓋安跨江南北北曰雲南曰

荆州言其民性躁鷲也禹貢荆及衡陽惟荆

州衡山在湘南雲夢跨江南北北曰雲南曰
夢在華容等處江出岷山漢出嶓冢禹貢所
謂朝宗于海詩所謂南國之紀是也潁出陽
城湛未聞或曰淮也象之齒犀兕之革硃砂
禹貢厥貢齒革金三品砮丹

河南曰豫州其山鎮曰華山其澤藪曰圃田其
川滎雒其浸波澆其利林漆絲枲其民二男三
女其畜宜六擾其穀宜五種

豫州言其民性茂豫也華山在華陰圃田在

中牟爾雅曰河南華鄭有圃田是也滎兗水也出東垣入于河洑爲滎滎在滎陽波讀爲播滎波旣瀦是也澁水在漢南春秋傳曰楚子梁澁營軍臨隨則澁宜屬荆川在此非也林竹林也禹貢厥貢漆絲絺紵六擾馬牛羊豕犬雞五種黍稷菽麥稻

正東曰青州其山鎮曰沂山其澤藪曰望諸其川淮泗其浸沂沐其利蒲魚其民二男二女其畜宜雞狗其穀宜稻麥

青少陰色沂山沂水所出也在益縣望諸在

玄簡宜雞狗其穀宜稻麥

青少陰色沂山沂水所出也在蓋縣望諸在
睢陽禹貢作孟諸淮出桐栢泗出魯國沐出
東莞屬琅邪禹貢海岱及淮惟徐州又曰淮
沂其乂蓋周公以徐爲青州故曰男女當與
兖州同二男三女淮或爲睢沐或爲洙

河東曰兖州其山鎮曰岱山其澤藪曰大野其
川河涕其浸盧維其利蒲魚其民三男三女其
畜宜六擾其穀宜四種

州以兖水名岱山在博
大野在鉅野涕卽濟

廬維當爲雷雍字之誤也禹貢曰雷夏旣澤
雍沮會同雷夏在城陽四種黍稷稻麥

正西曰雍州其山鎮曰嶽山其澤藪曰弦蒲其
川涇汭其浸渭洛其利玉石其民三男二女其
畜宜牛馬其穀宜黍稷

被山帶河四塞爲固曰雍州嶽吳嶽也爾雅
曰河西嶽弦蒲在汧涇出涇陽汭在豳地公
劉曰汭鞠之卽洛出懷德渭出鳥鼠禹貢惟

雍州涇屬渭汭

東北曰幽州其山鎮曰醫無閭其澤藪曰桑扈

東北曰幽州其山鎮曰醫無閭其澤藪曰獫狁
其川河洑其浸菑時其利魚鹽其民一男三女
其畜宜四擾其穀宜三種

朔易幽陰之地曰幽州之無閭在遼東爾雅
曰燕曰幽州東方之美有醫無閭之珣玕琪
焉獫狁在廣輿地志云今萊陽縣有奚養津
菑出萊蕪時出般陽幽州河洑亦與兗同者
蓋兗在河東北二州相連皆有河洑也禹貢
播爲九河同爲逆河入于海導沔水東河爲

濟則幽兗皆河涕所經之地也四擾牛羊豕
雞三種黍稻麥

河內曰冀州其山鎮曰霍山其澤藪曰楊紆其
川漳其浸汾潞其利松柏其民五男二女其畜
宜牛羊其穀宜黍稷

冀州言地險固亂可冀安弱可冀強荒可冀
復也霍山在彘楊紆未聞漳出長子汾出汾
陽潞出歸德爾雅曰霍山之多珠玉禹貢冀
州覃懷底績至于衡漳

正北曰并州其山鎮曰恒山其澤藪曰昭餘

正北曰并州其山鎮曰恒山其澤藪曰昭餘祈
其川虜池嘔夷其浸涑易其利布帛其民二男
三女其畜宜五擾其穀宜五種

并言尚武并兼之意恒山在上曲陽北嶽也
昭餘其在鄔爾雅曰河北恒燕有昭餘祈虜
池出鹵城嘔夷祈夷歟出平野涑出廣昌易
出故安五擾牛羊豕犬馬五種黍稷稻菽麥
薛氏曰九州之土高者宜黍稷下者宜稻麥
山氣多男澤氣多女東南多絲纊西北多織

皮先王之于民因東西南北之異方山澤川
浸之異宜男女異數玉石異產黍稷稻粱之
異種丹漆絲枲之異利廣谷異制民生異俗
爲之脩其教而不易其俗齊其政而不易其
宜然後各安其性樂其業而無偏弊之患矣
丘氏曰冀兗青徐揚荆豫梁雍此禹貢之九
州也冀豫雍幽營揚兗荆徐此爾雅之九州
也揚荆豫青兗雍冀幽并此職方之九州也
禹貢九州之名舊矣舜時肇十有二州分冀

爲幽并分青爲營至夏則復爲九州爾雅九

禹貢九州之名舊自舜舜時肇十有二州分北冀

為幽并分青為營至夏則復為九州爾雅九州商制也不可考周之九州與禹貢不同周都雍不可不廣梁山多險阻故合梁雍為一州徐地狹隘故青兼之堯舜都冀地壤最潤今之虜境各在其內且帝都所寓人民阜繁至周亦然故冀州為幽并

乃辯九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其

外方五百里曰衛服又其外方五百里曰蠻服
又其外方五百里曰夷服又其外方五百里曰
鎮服又其外方五百里曰藩服凡邦國千里封
公以方五百里則四公方四百里則六侯方三
百里則十一伯方二百里則二十五子方百里
則百男以周知天下

五

大司馬言畿主疆界此言服謂服王政教也
鄭氏曰方千里爲方百里者百周九州方七

千里七七四十九則方千里者四十九也一

爲畿內餘四十八州州各方千里者六一

千里七七四十九則方千里者四十九也二
爲畿內餘四十八州州各方千里者六一
州之中以千里封公則可四以千里封侯則
可六以千里封伯則可十一云七伯誤也又
以千里封子則可二十五又以千里封男則
可百州二百二十國

丘氏曰衛服之外聖人雖制之服而不必其
來故武成叙諸侯之助祭洛誥稱諸侯之和
會康王之誥陳諸侯之聽命止言五服而已
孟子曰天子之制地方千里公侯皆方百里

伯七十里子男五十里與此不同黃楚望曰
孟子所言因殷之制職方所言乃周家之制
也計武王之興殷諸侯尚千餘國旣無功益
地亦無罪削亦此當仍其舊封百里之下爲
三等如孟子之說乃若周公太公有大勲勞
及其餘功臣當封爵與封並建宗親以爲藩
屏豈可限以百里之法哉自當用周制耳諸
侯惡其害已而去其籍是書當世學者鮮得
見之則周家一代之制雖孟子亦有不能詳

也愚按楚望之言不見所本蓋以意度之耳

見之則周家一代之制雖孟子亦有不詳也愚按楚望之言不見所本蓋以意度之耳禹之五服各五百里自其一面而數之職方九服各五百里自其兩面而數之也封公以也五百里則四公每事言則者殺也是不實封以每州四公八州三十二公周之上公惟杞宋耳故知非實封也邦國有正封之地有廣封之地公侯方百里伯七十里子男五十里此正封也公方五百里侯四百里伯三百里子二百里男百里此廣封也職方兼附庸

之地而言之廣封者也然以邦國千里計之
方四百里則六侯餘四百里方三百里則十
十伯餘百里何也蓋地勢不能如綦局之方
特因侯伯之爵以里數封之而已餘里無所
與焉職方氏舉其大數然也

凡邦國小大相維王設其牧制其職各以其所
能制其貢各以其所有王將巡守則戒于四方
曰各修平乃守考乃職事無敢不敬戒國有大
刑及王之所行先道帥其屬而巡戒令王殷國

刑及王之所行先道帥其屬而巡戒令王殷國亦如之

大國比小國小國事大國各有屬相維聯也
又在諸侯內選其最賢者爲九州之牧以爲
方岳而統諸侯制其職牧監參伍之屬也制
其貢因其地物所有也王將巡守則先戒令
之使各修其職王出巡守則在前導之而察
其戒令之從違也殷猶衆也十二歲王不巡
守則六服盡朝謂之殷國其戒四方諸侯與

巡守同

九州之牧王選諸侯之賢者牧之三代時牧
守更代諸侯世襲如周初荊州之牧則蔡叔
申侯豫州之牧則管叔號公周公君陳畢公
迭居東郊初周公爲東伯康王命畢公爲東
伯漢諸侯王自景武後若守君然已不足言
至唐藩鎮則舉五侯九伯女實征之之事而
付之世襲之人其弊有不可勝言者宣王中
興只是理會牧伯而已故韓侯在韓召虎在
淮申伯在荆方叔在齊

土方氏

上士五人下士十人府二人史五人胥五人徒五十人

掌土圭之

法以景日致以土地相宅而建邦國都鄙以辯

土宜土地之法而授任地者王巡守則樹王宮

土方主度四方邦國之土地也土圭之法測

景制域解見地官土宜謂九穀所宜土化謂

糞種所用授任地者授之以地任其耕種也

巡狩之王宮舍人掌之土方氏先辨土之媿

惡以定樹舍之地也

懷方氏

中士八人府四人史四人胥四人徒四十人

掌來遠方之民

致方貢致遠物而送逆之達之以節治其委積
館舍飲食

懷徠也主懷徠四方萬國使之慕德感義也
非方國之使臣而來中國者謂之遠方之民
雖六服之外猶在貢獻之數者謂之方貢其
國又遠不在貢獻之數者謂之遠物皆此官
懷來之故來則逆之去則送之達民以旌節
達貢物以璽節治其委積以備其用治其館
舍以安其居治其飲食以順其好所謂來之

之道密矣王者之政無外蓋如此

舍以安其居治其飲食以順其好所謂來之
之道密矣王者之政無外蓋如此

合方氏

中士八人府四人史四人胥四人徒四十人

掌達天下之道

路通其財利同其數器一其度量除其怨惡同
其好善

合猶協也主協和萬邦使其一道同俗也達
其道路者津梁以時修治往來不至阻絕也
通其財利使懋遷有無以相濟也同其數器
使權衡之輕重無異同也壹其度量使丈尺
釜鍾之大小皆齊一也除其怨惡使講信修

睦不相侵伐也問其好善使敦仁尚義不為

奇衺也

訓方氏中士四人府四人史四人胥四人徒四十人掌道四方之政

事與其上下之志誦四方之傳道正歲則布而

訓四方而觀新物

道言也為王說之四方諸侯也上下君臣也

傳道世世所傳說往古之事也為王誦之若

今論聖德堯舜之道矣正歲謂夏之建寅月

則布告前所道所誦之事以教天下使知所

善惡觀新物四時于新物出則觀之以知民

則布告目前所道所誦之事以教天下使知所
善惡觀新物四時于新物出則觀之以知民
之所好惡志淫行辟則當以政教化之王制
曰命市納價以知民之所好惡

形方氏

中士四人府四人史四人胥四人徒四十人

掌制邦國之地

域而正其封疆無有華離之地使小國事大國
大國比小國

制者制其地域廣狹之形體也正者境界分
明使不相侵歛也華當作佉音苦哇反折而
不絕爲佉絕而不續爲離地無佉離則封疆

正矣小國伯子男也大國公侯也以小事大
不得怠慢以大比小不得侵凌此萬國所以

咸寧也

山師

中士二人下士四人府二人
史四人胥四人徒四十人

掌山林之名

辨其物與其利害而頒之于邦國使致其珍異
之物

山林在諸侯之國者名與物若羽畎之夏翟

嶧陽之孤桐鄧林之材木是也利謂物之可

充民用者害謂物之能為人害者既曰珍異

川原
師歸
冬官
不可

之物則非其賦所及也

充民用者害謂物之能為人害者既曰珍異

之物則非貢賦所及也

川師

中士二人下士四人府二人史四人胥四人徒四十人

掌川澤之名

辨其物與其利害而頒之于邦國使致其珍異之物

川澤亦在諸侯之國者鄭氏曰川澤之名與物若泗濱浮磬淮夷蠙珠暨魚澤荏蒲之類所謂異物者非必珍異玩好亦供器用備樂餌非常有之物耳

遯師

中士四人下士八人府四人史八人胥八人徒八人

掌四方之地

名辨其丘陵墳衍遼隰之名物之可以封邑者
 山林川澤不以封此外東原大陸之屬可封
 邑居民者遼師掌之王氏曰五地名物與土
 宜土化大司徒掌之此復掌之者制畿封國
 施貢分職簡稽鄉民皆司馬之事故職方諸
 屬掌之特詳此大司馬正邦國土地之政

匡人

中士四人史四人徒八人

掌達法則匡邦國而觀其慝

使無敢反側以聽王命

法則八法八則也邦國之官府都鄙亦用焉

慝姦偽之惡也反側猶背違法度也書曰無

法則八法八則也邦國之官府都鄙亦用焉

慝姦偽之惡也反側猶背違法度也書曰無

反側王道正直

揮人中士四人史四人徒八人掌誦王志道國之政事以巡

天下之邦國而語之使萬民和說而正王面

道猶言也以王之志與政事諭說諸侯使不

迷惑面猶嚮也意使萬民喻而戴王四面嚮

之諸皆制治未亂保邦未危規為天下之道

都司馬每都上士二人中士四人下士八人掌都

之士庶子及其衆庶車馬兵甲之戒令法掌其

政學以聽國司馬

館

都王子弟所封及三公采地司馬主其都軍
賦之官家卿大夫采地司馬家臣爲之上下
通爲一體故名不易都之士公卿大夫之適
子也庶子則其衆子也衆庶其都之人民也

天皆有車馬兵甲以備軍發卒都司馬平日糾

戒之申令之使皆可以備徵用所謂戒令也

掌其政則治其軍賦之事掌其學則以國教

胄子法教之都家之君百乘之富旣皆屬之

于王朝而其士庶子雖世祿之家漸于王朝

胥子法教之都家之君百乘之富既皆屬之
于王朝而其士庶子雖世祿之家漸于王朝
之教亦無有驕怠之習故及有軍旅之事徵
兵于都鄙則士庶子作其衆庶車馬兵甲而
都司馬掌其戒令以聽于國司馬奉其節制
以進退攻討焉此馭都家之法所以都鄙之
君無抗衡之患也

家司馬亦如之

都司馬掌大都小都之士庶子也家司馬掌
家邑亦如都司馬之事

周禮說卷之十一終

浙江圖書

周禮說卷之十二

秋官一

秋官司寇第五

秋者適也秋氣肅殺萬物斂藏天子立此官使掌邦刑所以斂肅人心使歸善道者有以似之故名秋官曰司寇者寇害也舜命臯陶作士曰寇賊姦宄則刑以懲寇爲急也周書曰司寇掌邦禁詰姦慝刑暴亂蓋刑惟姦慝暴亂者設耳所以濟禮教之不及而佐王之

治者也

惟王建國辨方正位體國經野設官分職以爲
民極乃立秋官司寇使帥其屬而掌邦禁以佐
王刑邦國

禁所以防姦也小宰言掌邦刑而此言禁者
禁過于未然者聖人之本心刑以濟其禁之
所不及者聖人之不得已也故禁之所以爲
仁刑之所以爲義有以見先王雖刑殺之施
亦惻隱之心行乎其中矣

刑官之屬大司寇卿一人小司寇中大夫二人

亦惻隱之心行乎其中矣

刑官之屬大司寇卿一人小司寇中大夫二人

士師下大夫四人

館

鄉士遂士縣士方士訝士

朝士司民司

刑司刺司約司盟職金司厲犬人司圜掌囚掌

戮司隸罪隸蠻隸閩隸夷隸貉隸布憲禁

殺戮禁暴氏野廬氏蜡氏雍氏萍氏司寤氏司

烜氏條狼氏修閭氏冥氏庶氏穴氏翼氏

柞氏薙氏砮蒺氏翦氏赤友氏蝮氏壺涿氏庭

氏銜枚氏伊耆氏大行人小行人司

儀行夫環人象胥掌客掌訝掌交掌察掌貨賄
朝大夫都則都士家士

王氏曰秋官之屬凡六十一官司刑以定臯
司刺以參伍赦宥掌囚以拘繫司厲以收孥
掌戮以刑戮司圜以收教皆刑官遂士縣士
方士訝士朝士各掌其地之刑也司隸禁殺
戮禁暴氏野廬氏蜡氏雍氏萍氏司寤司烜
條狼修間銜枚主巡察布憲主警戒司約司

盟主結信皆禁于未發刑期無刑也夫殺以

止殺豈徒刑戮之是務乎司民掌民數屬之

盟主上結信皆示于未發刑期無刑也夫殺以

止殺豈徒刑戮之是務乎司民掌民數屬之
若曰主刑者民之司命以生生爲心期于治
而已殺敢不慎乎大行人掌交之禮又主以
詰四方朝大夫都則都士家士主以法則馭
圻內諸侯其氏已下十二官刑及禽獸也職
金五行秋屬金犬金畜也六十屬皆王裁物
之過各正性命之象也

大司寇之職

卿一人

掌建邦之三典以佐王刑邦

國詰四方一曰刑新國用輕典二曰刑平國用

中典三曰刑亂國用重典以五刑糾萬民一曰
野刑上功糾力二曰軍刑上命糾守三曰鄉刑
上德糾孝四曰官刑上能糾職五曰國刑上愿
糾暴

司寇曰三典太宰曰刑典一也而謂之常者
輕重低昂稱物平施是乃可以永久而無弊
故謂之經常也新國者新辟地立君之國用
輕典者爲其民未習于教也平國者承平守
成之國用中典者民已習教宜用常行之法

也亂國則沉湎淫泆篡弒叛逆之國用重典

成之國用中典者民已習教宜用常行之法也亂國則沉湎淫泆篡弒叛逆之國用重典者民不率教宜伐滅之也人情非刑則玩弛糾之以刑則心有警而不惰氣自奮而不靡故曰糾萬民功農役之功也凡農功皆由于力勤此冬官之職待之而立也命將帥之命也凡士卒不失部伍皆由于用命此夏官之職待之而立也能集事之才也凡建功立事皆所以盡職此天官之職待之而立也愿慤慎之容也凡信實儼恪皆生于主敬此春官

之職待之而立也由是論之則六卿各得舉其職而必行于天下者以大司寇之能正其刑典故也五刑弼于五典而大化輔成矣以圜土聚教罷民凡害人者寘之圜土而施職事焉以明刑恥之其能改者反于中國不齒三年其不能改而出圜土者殺

圜土獄城也聚教罷民謂聚之于中而困苦之庶其感悔而能改以爲善是亦所以教之

也罷民者民不愆作勞有似于罷也害人者

爲刑惡已有過失麗于法而但不爲故犯法

也罷民者民不懲作勞有似于罷也害人者
爲邪惡已有過失麗于法而但不爲故犯法
者也施職事者使食其力以強其罷也明刑
者書罪于大方版著于背以生其耻心也反
于中國者舍之還于故鄉里也司圜曰上罪
三年而舍中罪二年下罪一年不齒不得以
年次列于平民也出謂逃亡也且人之爲惡
夫豈一朝一夕之故必有漸焉是故先王之
馭民也必早爲之所過輕者坐諸嘉石稍重
者歸于圜土此皆未入于五刑而預防之如

此其密也若因此而遂能自新則復爲平民
何刑殺之及哉此先王善于使民遷善遠罪
之法而三代所以終無不可化之民也

以兩造禁民訟入束矢于朝然後聽之以兩劑
禁民獄入鈞金三日乃致于朝然後聽之

造至也兩詞俱至必有一直使之入矢所以

自明其直然後聽其訟劑券也兩齋券書必

有一實使之入金所以自明其實然後折其

獄束矢百矢也鈞金三十斤銅也訟則方爭

而已獄則已成罪也不直不實則沒入其金

獄束矢百矢也鈞金三十斤銅也訟則方爭而已獄則已成罪也不直不實則沒入其金矢亦禁止獄訟之一端也三日而後致于朝者重致民于獄也

以嘉石平罷民凡萬民之有罪過而未麗于法而害于州里者桎梏而坐諸嘉石役諸司空重罪旬有三日坐朞役其次九日坐九月役其次七日坐七月役其次五日坐五月役其下罪三日坐三月役使州里任之則宥而舍之以肺石達窮民凡遠近惇獨老幼之欲有復于上而其

長弗達者立于肺石三日士聽其辭以告于王而罪其長

嘉石文石也立之外朝門之左平成也欲使罷民思其文理而成其善也凡萬民之有罪過雖未附于刑法而有害于州里者寘之圜土則失之重舍而不問則人胥效之故桎其手梏其足坐諸嘉石使之自省役諸司空使之自贖因其輕重差爲五等役之日訖必使其州里之人保任其必不再犯然後寬而釋

之必任之以州里者以州里皆可責之以自

其州里之人保任其必不再犯然後寬而釋之必任之以州里者以州里皆可責之以自新也先王之欲民之爲善如此

肺石赤石也使其赤心不妄告也窮民無告者立于其上而後得自通遠近之惇獨老幼所謂窮民也冤抑而不得伸困苦而莫知恤欲告訴于上而長吏不以聞則使立于肺石之上至于三日之久然後士師聽其辭以告于上而罪其長吏君門萬里不有肺石之達則民之無告者何由知之然必俟三日者欲

得其實情也

正月之吉始和布刑于邦國都鄙乃縣刑象之法于象魏使萬民觀刑象挾日而歛之凡邦之大盟約涖其盟書而登之于天府大史內史司會及六官皆受其貳而藏之凡諸侯之獄訟以邦典定之凡卿大夫之獄訟以邦法斷之凡庶民之獄訟以邦成弊之

歛血而質諸明神謂之盟結信而書于簡策

謂之約國家有大盟約則司寇臨之既盟則

上其書于天府而大史內史司會六官皆受

謂之約國家有大盟約則司寇臨之既盟則
上其書于天府而大史內史司會六官皆受
盟書之貳而藏之各以其事攷焉非特備失
亡也諸侯之獄訟則以邦之三典定其罪以
其有輕中重之宜用也卿大夫之獄訟則以
八辟之麗邦法者斷其罪以其有親故賢能
之當議也庶民之獄訟則以士師之八成斷
其罪以其有邦洵邦賊邦謀之可誅也

大祭祀奉犬牲若禋祀五帝則戒之日涖誓百
官戒于百族及納亨前王祭之日亦如之奉其

明水火凡朝覲會同前王大喪亦如之大軍旅
涖戮于社凡邦之大事使其屬蹕

犬金畜也卜之日王聽誓命訖獻命庫門內
誓百官于太廟戒百姓必司寇涖者不共有
大刑也明水火者陰陽之精氣也所以致聖
人精明之意于鬼神示也而刑官奉之以其
自潔而能潔于神也納亨將殺之時爲王前
導而祭之日亦然朝覲會同之時爲王前導
而大喪亦如之皆貴嚴肅也不用命戮于社

在師軍社凱旋國社司寇之職也屬謂士師

而大喪亦如之皆貴嚴肅也不用命戮于社
在師軍社凱旋國社司寇之職也屬謂士師
以下蹕止行人禁喧囂也

小司寇之職

中大夫二人

掌外朝之政以致萬民而

詢焉一曰詢國危二曰詢國遷三曰詢立君其
位王南鄉三公及州長百姓北面羣臣西面羣
吏東面小司寇擯以叙進而問焉以衆輔志而
弊謀以五刑聽萬民之獄訟附于刑用情訊之
至于旬乃弊之讀書則用法凡命夫命婦不躬
坐獄訟凡王之同族有罪不卽市

外朝在雉門外臯門內小司寇掌其位獨云
致萬民者羣吏在朝是常惟大事及疑獄乃
致萬民故特言之國危寇戎交至詢攘卻也
國遷都邑不安詢移徙也立君國無適冢選
支庶也三公朝必北面又各主二鄉故帥遂
大夫及百姓而至羣臣羣吏不如朝士之位
主詢民也擯謂揖之使前序進者詢欲詳以
周也輔志者王志先定訪于衆以輔之而斷
其謀書所謂朕志先定詢謀僉同是也五刑

所謂墨劓宮刑殺也以五刑聽萬民獄訟者

其謀書所謂朕志先定詢謀僉同是也五刑

所謂墨劓宮剕殺也以五刑聽萬民獄訟者
民有獄訟所犯之罪不出于五刑故以五刑
聽之也聽者審聽之知其所犯何罪所入何
刑也已附于刑矣不敢以得其情爲喜必以
哀矜之意再三訊鞫求其可出之門而不得
至于旬日乃正其罪也王制曰刑例也例成
也一成而不可變故君子盡心焉又以罪斷
之書讀之于囚使其心服乃用法焉其謹之
如此則我與刑者兩無憾矣不躬坐使其屬

若子弟代也不以治獄吏褻尊者也不卽市
磬于甸人古之道也記曰不與國人慮兄弟
此二者貴貴親親之義也

以五聲聽獄訟求民情一曰辭聽二曰色聽三
曰氣聽四曰耳聽五曰目聽以八辟麗邦法附
刑罰一曰議親之辟二曰議故之辟三曰議賢
之辟四曰議能之辟五曰議功之辟六曰議貴
之辟七曰議勤之辟八曰議賓之辟以三刺斷
庶民獄訟之中一曰訊羣臣二曰訊羣吏三曰

訊萬民聽民之所刺宥以施上服下服之刑

庶民獄訟之中一曰訊羣臣二曰訊羣吏三曰訊萬民聽民之所刺宥以施上服下服之刑

五聽惟辭爲聲槩曰聲者以聲爲本以求民情也人之情僞有未易察然其心則有不可掩者心果無慝則其辭直其色定其氣舒其視聽不亂心果有愧則其辭誕其色赧其氣喘其耳目皆惑以此聽之情僞可知矣辟亦法也八辟猶今律之八議也邦法以正萬民之罪其中又有可原者以八辟與邦法麗合而斟酌之乃可以定刑也故謂之八議親若

今宗室有罪先請是也故謂舊知也賢謂有
德行者若今時廉吏有罪先請也能謂有道
藝者所謂謀而鮮過惠訓不倦者叔向有焉
猶十世宥之以勸能者是也功謂有大勲力
立功者貴若今時吏墨綬有罪先請是也勤
謂憔悴以事國賓謂所不臣者如三恪二代
之後也必議者始上請或赦或宥之卽不可
赦不奴不梏不與衆同拘繫束縛困辱之教
之大者也刺深探也中謂刑之當罪協于中

也羣臣卿大夫士羣吏府史萬民州鄉民聽

之大者也刺深探也中謂刑之當罪協于中也羣臣卿大夫士羣吏府史萬民州鄉民聽民之所刺宥所刺服上刑所宥服下刑此孟子所謂國人皆曰可殺然後殺之之意也及大比登民數自生齒以上登于天府內史司會冢宰貳之以制國用小祭祀奉犬牲凡禋祀五帝實鑊水納亨亦如之大賓客前王而辟后世子之喪亦如之小師涖戮凡國之大事使其屬蹕孟冬祀司民獻民數于王王拜受之以圖國用而進退之歲終則令羣士計獄弊訟登中

于天府正歲帥其屬而觀刑象令以木鐸曰不用法者國有常刑令羣士乃宣布于四方憲刑禁乃命其屬入會乃致事

齒生而體備天府府藏之尊者民數藏焉天地之生人爲貴也司民之職三歲大比以萬民之數詔司寇司寇及孟冬祀司民之日獻其數于王王受拜之與此禮同但此每歲止于王畿而彼則三歲通王畿內外耳孟冬者萬物告成之時故祭祀司民之星司寇主其

祭者秋爲成物之時也奉犬牲數事皆與大

萬物生口成之時故祭祀司民之星司寇士其

祭者秋爲成物之時也奉犬牲數事皆與大
司寇同職此特掌其小者耳實鑊所以滌牲
也納亨所以煮牲前王而辟除姦凶也司民
星名謂軒轅角也小司寇于祀司民而獻民
數于王重民也進退猶損益也國用民衆則
益民寡則損羣士衆刑官也刑官謂之士登
中者上其所斷獄訟之數也王者用刑寬嚴
適于中而民之罹刑輕重協于中故不曰登
獄而曰登中也此秋官之事而必登于天府

者刑者天討王者天吏有司之用刑順天休命而已故登諸天府也宣徧布于邦國也憲縣之也刑禁者有刑必有禁所以左右刑罰而使不犯也命其屬刑官之屬也入會則計其刑之多少而入其書于司寇也餘官皆以歲終入其書獨司寇以正歲入之謹始也得其屬之計乃令致之于王也

士師之職

下大夫
四人

掌國之五禁之法以左右刑

罰一曰宮禁二曰官禁三曰國禁四曰野禁五

曰軍禁示以木鐸徇之于朝書而縣于門閭

罰一曰宮禁示二曰宮禁示三曰國禁示四曰野禁示五

曰軍禁皆以木鐸徇之于朝書而縣于門閭
此與大司寇五刑相表裏但彼乃治之于已
犯而此則禁之于未然故曰左右刑罰也宮
王宮也官官府也國城中也野郊野也軍軍
旅也古之禁書亡矣今宮門有符籍官府無
故擅入城門有離載下帷之禁野有田律軍
有囂謹夜行之制徇之于朝使人莫不聞縣
之于閭使人莫不見皆所以使之警心惕慮
而不犯于有司也

浙

以五戒先後刑罰毋使罪麗于民一曰誓用之于軍旅二曰誥用之于會同三曰禁用諸田役四曰糾用諸國中五曰憲用諸都鄙

此與上文五禁微有不同蓋禁者施于歲首乃先事之防戒者勅于臨事乃及期之警其歸期于民之不犯而已未罹于刑先丁寧之及陷于罪又申勅之故曰先後刑罰不曰民麗于罪而曰罪麗于民民愚無知不戒有愾然而罪及者以言矢之曰誓若湯誓之類以

言生口之類曰誥若石康誥之類止使勿爲曰誓示察

然而罪及者以言矢之曰誓若湯誓之類以
言告之曰誥若康誥之類止使勿爲曰禁察
其有犯曰糾表而縣之曰憲然誓之所用非
特軍旅而軍旅爲主祭祀田役之類皆有誓
也禁之所用非特田役而以田役爲主宮中
府中亦皆有禁也以此推之則糾也憲也亦
莫不然

掌鄉合州黨族間比之聯與其民人之什伍使
之相安相受以比追胥之事以施刑罰慶賞掌
官中之政令察獄訟之辭以詔司寇斷獄弊訟

致邦令

六鄉之內州黨族閭比所以聯其居也五人爲伍二伍爲什所以聯其人也夫聯比其居什伍其人鄉官之事也而士師又掌之者使之相安相受而已去其害人者則使之相安使里任焉而舍之則使之相受無事而相安相受則有事可以同其憂患焉如此乃可以比其追逐胥伺盜賊之事矣廢事者施刑罰有功者施慶賞此士師掌鄉而弼六鄉之教

也官中政令秋官之屬所行政事教令也羣

有功者施慶賞此士師掌鄉而弼六鄉之教也官中政令秋官之屬所行政事教令也羣士上其獄訟之不決者致于士師士師察其辭之曲直以告司寇斷之弊之焉獄訟既審合于邦令則以法報羣士也

掌士之八成一曰邦洵二曰邦賊三曰邦謀四曰犯邦令五曰橋邦令六曰爲邦盜七曰爲邦朋八曰爲邦誣

成刑一成而不變者若今決事比是也洵音酌說文激水聲謂激衆倡亂如水之激而逆

行也邦賊謂潛謀陰結將爲逆亂者邦謀謂
陰爲反間刺探國事者犯邦令謂故恃傲悍
廢格法令者橋邦令謂詐爲王言以布于下
者爲邦盜謂竊取國貨以私其家者爲邦朋
謂結私黨以亂政者爲邦誣謂造訛言以惑
衆者凡茲八者亂之階也獄官斷之各有成
式士師掌之

若邦凶荒則以荒辯之法治之令移民通財糾
守緩刑凡以財獄訟者正之以傳別約劑若祭

勝國之社稷則爲之尸王燕出入則前驅而辟

守緩刑凡以財獄訟者正之以傳別約劑若祭

勝國之社稷則爲之尸王燕出入則前驅而辟
祀五帝則沃尸及王盥洎鑊水凡刳珥則奉犬
牲諸侯爲賓則帥其屬而蹕于王宮大喪亦如
之大師帥其屬而禁逆軍旅者與犯師禁者而
戮之歲終則令正朔會正歲帥其屬而憲禁令
于國及郊野

荒謂年穀不熟民皆困苦則以荒貶之法行
之不得用尋常之法或移民以就粟或通財
以賑老稚之不能移者要害當守之地糾察

之以防盜賊之生發刑罰當減之人緩寬之
以舒民心凶年必多財訟必以券書爲主不
惑于其浮言則誠僞辨而訟獄省矣小宰八
成亦曰聽稱責以傳別聽買賣以質劑蓋爲
此也勝國亡國也祭亡國之社稷以刑官爲
尸者以其滅亡之類也自治朝而退居于宮
謂之燕朝自燕朝而退居于寢謂之燕寢此
則燕出入也沃尸方尸之入門以盤匱盥水
則士師沃之王將獻尸必就洗以致潔士師

沃之饒水本小司寇所實士師則洎而增之

則士師沃之王將獻尸必就洗以致潔士師

沃之鑊水本小司寇所實士師則洎而增之
刳珥用牲以釁也毛者曰刳羽者曰珥賓喪
之禮皆以刑官蹕之致其嚴也師行而不從
令是謂逆軍旅臨陣而不用命是謂犯師禁
治兵以嚴為主故帥其屬而行戮焉正要會
上計簿也憲禁令使之無敢犯也

鄉士

上士八人中士十有六人旅下士三十有二人府六人史十有二人胥十有二人徒

百有二

十人掌國中各掌其鄉之民數而糾戒之聽

其獄訟察其辭辨其獄訟異其死刑之罪而要

之旬而職聽于朝司寇聽之斷其獄弊其訟于朝羣士司刑皆在各麗其法以議獄訟獄訟成士師受中協日刑殺肆之三日若欲免之則王會其期大祭祀大喪紀大軍旅大賓客則各掌其鄉之禁令帥其屬夾道而蹕三公若有邦事則爲之前驅而辟其喪亦如之凡國有大事則戮其犯命者

鄉士之地距王城一百里鄉士所掌乃六鄉之獄則總在國中也本治其獄事而必掌民

數而糾戒之者刑期于無刑糾戒之使不罹

之獄則總在國中一也本治其獄事而必掌民
數而糾戒之者刑期于無刑糾戒之使不罹
于刑也凡治獄其先必受其赴愬之詞聽而
理之故曰聽其獄訟聽而不察不得其情也
必虛中無我以審其曲直虛實之情故曰察
其詞因其詞得其情而其罪之輕重判矣故
曰辨其獄訟其有犯死刑者則殊異其文書
重大辟也要之猶書所謂要囚如今略節招
情是也然不敢遽以爲允也遲之十日乃以
職事聽于外朝司寇從而審之果得其情乃

就外朝斷之羣士司刑之官皆在以囚所犯
附之于律合衆官所附而叅議焉不敢以獨
見斷獄也合乎法謂之中衆議既定然後士
師受其合中之辭擇日而刑殺之陳尸三日
王欲赦之則鄉士職聽司寇聽獄之時親至
外朝以入議定其取舍亦不敢以己意廢天
討之公也祭祀喪紀軍旅賓客六鄉皆有共
焉故帥屬夾道而蹕三公與王論道者若以
國事至鄉則爲之前驅而辟大事征伐田獵

之事也

國事至鄉則爲之前驅而辟大事征伐田獵

之事也

遂士

中士十有二人府六人史十有二人胥十有二人徒百有二十人

掌四郊

各掌其遂之民數而糾其戒令聽其獄訟察其
辭辨其獄訟異其死刑之罪而要之二旬而職
聽于朝司寇聽之斷其獄弊其訟于朝羣士司
刑皆在各麗其法以議獄訟獄訟成士師受中
協日就郊而刑殺各于其遂肆之三日若欲免
之則王令三公會其期若邦有大事聚衆庶則
各掌其遂之禁令帥其屬而蹕六卿若有邦事

則為之前驅而辟其喪亦如之凡郊有大事則戮其犯命者

六遂之獄在四郊遂士主之去王城漸遠恐多枉濫故至二旬而後斷也令三公會其期者遂士職聽之時命三公往議之也六鄉在內故曰國六遂在外故曰郊

縣士

中士三十有二人府八人史十有六人胥十有六人徒百有六十人

掌野各

掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽

于朝司寇聽之斷其獄弊其訟于朝羣士司刑

辨其獄訟異其死刑之罪而要之二三旬而職聽

于朝司寇聽之斷其獄弊其訟于朝羣士司刑
皆在各麗其法以議獄訟獄訟成士師受中協
日刑殺各就其縣肆之三日若欲免之則王命
六卿會其期若邦有大役聚衆庶則各掌其縣
之禁令若大夫邦事則爲之前驅而辟其喪亦
如之凡野有大事則戮其犯命者

郊外曰野自三百至四百里大夫所食也三
旬職聽于朝者去王城益遠故加十日也命
六卿會其期者縣士職聽之時命六卿往議

之也

官

方士

中士十有六人府八人史十有六人胥十有六人徒百有六十人

掌都家

聽其獄訟之辭辨其死刑之罪而要之三月而

上獄訟于國司寇聽其成于朝羣士司刑皆在

各麗其法以議獄訟獄訟成士師受中書其刑

殺之成與其聽獄訟者凡都家之大事聚衆庶

則各掌其方之禁令以時修其縣法若歲終則

省之而誅賞焉凡都家之士所上治則主之

大都在疆地小都在縣地家邑在稍地去王

城愈遠方士又非鄉士遂士縣士得以職聽

大都在疆地小都在縣地家邑在稍地上去王

城愈遠方士又非鄉士遂士縣士得以職聽
于朝故上獄訟于國而已司寇聽其成羣士
司刑附于法又從而叅議之情與法相應然
後士師受之書其刑殺之成于案以備稽考
又書其治獄之吏姓名以備反覆失實者至
于協日刑殺則都家之吏自行之也縣法縣
師所掌夫家田萊之數及其六畜車輦之稽
方士以時修此法歲終又省之亦鄉士遂士
掌民數之意也所上治謂都家獄訟之小事

不附罪者方士主之以上于國也陸氏釋曰
 凡都家之大事聚衆庶者則下文修其縣法
 是也各掌其方之禁令者方七十六人則知
 四人分掌一方也方士蓋王朝官出治都家
 者有事則達于朝

訝士

中士八人府四人史八人胥八人徒八十八人

掌四方之獄訟諭

罪刑于邦國凡四方之有治于士者造焉四方
 有亂獄則往而成之邦有賓客則與行人送逆
 之入于國則爲之前驅而辟野亦如之居館則

帥其屬一而爲之蹕誅戮暴容者容出入則道之

帥其屬而爲之蹕誅戮暴客者客出入則道之
有治則贊之凡邦之大事聚衆庶則讀其誓禁
誅士迎治諸侯之獄訟故曰誅士諭罪刑于
邦國者告曉以麗罪及制刑之本意也四方
諸侯有疑獄亦受之造焉者謂先來詣誅士
乃通之于士師也如今郡國亦時遣主者吏
詣廷尉議者亂獄謂若君臣宣淫上下相虐
者往而成之謂往其國正其罪猶呂步舒使
治淮南獄也四方賓客亦主之者刑官輔翼

禮官也故曰同行人送逆者逆其來送其去也賓客在途則爲之辟在館則爲之蹕以刑官所在人不敢犯也人有暴客者則爲戮之客有出入則爲道之客有所治則從而助之先王所以懷諸侯者至矣國有師田之事則爲之讀誓命之辭五禁之法也

朝士

中士六人府三人史六人胥六人徒六十人

掌建邦外朝之法

左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉

州長衆庶在其後左嘉石平罷民焉右肺石達

侯伯子男位焉羣吏在其後面三槐三公位焉
州長衆庶在其後左嘉石平罷民焉右肺石達
窮民焉帥其屬而以鞭呼趨且辟禁慢朝錯立
族談者凡得獲貨賄人民六畜者委于朝告于
士旬而舉之大者公之小者庶民私之

外朝在路門之外王者詢衆庶羣士聽獄訟
皆在是焉樹以槐棘者棘取其赤心而外刺
槐取黃中而華實孤卿大夫臣道也故位于
左公侯伯子男君道也故位于右三公則論
道經邦者也故位于南焉嘉石列于外朝門

之左以平罷民之不能自強者肺石列于外
朝門之右以達窮民之不能自伸者以鞭呼
趨呼朝者使趨也辟則使人避焉慢朝謂處
班行而不肅也錯立族談謂違班位而傳語
也獲亦得也凡貨賄人民六畜或至于遺失
有得獲者委于聽訟之朝告于議訟之士而
不敢私焉以待其人而反之至于甸則亦久
焉于是舉之大者入于公小者歸于庶民此
朝士之法制以義也

凡士之治有期日國中一旬郊二旬野三旬都
三月邦國朞期內之治聽期外不聽凡有責者
有判書以治則聽凡民同貨財者令以國法行
之犯令者刑罰之凡屬責者以其地傳而聽其
辭凡盜賊軍鄉邑及家人殺之無罪凡報仇讎
者書于士殺之無罪若邦凶荒札喪寇戎之故
則令邦國都家縣鄙慮刑貶

士治有期日者卽上文鄉士遂士獄訟成來
于外朝職聽之事遠近節之皆有期日也國

中鄉士獄也郊二甸遂士也野三甸縣士也
都三月方士也邦國朞訝士也期外不聽亦
所以省獄息訟也判半分而合者古者出債
必有判書人執其一爲證抵冒而訟者判書
足以驗其實故爲之聽否則不聽同貨財者
富人積多時收斂之乏時以國服之法出之
雖有騰踴其息不得過此過此者則罰之若
今時加責取息坐贓也屬責者本無券契而
其親屬隣近可知證乃受其辭爲治之竊賄

爲盜殺傷人爲賊在軍伍兩在鄉邑比閭在

其親屬隣近可知證乃受其辭爲治之竊賄

爲盜殺傷人爲賊在軍伍兩在鄉邑比閭在
家若至親得殺之止亂今律昏夜無故入宅
舍上車船牽引人子女者殺是也凡報仇乃
調人和難而使避之者不辟而被其殺亦不
科罪凡喪荒寇變法當緩刑以救民貶猶減
也

司民

中士六人 府三人 史六人 胥三人 徒三十人

掌登萬民之數自

生齒以上皆書于版辨其國中與其都鄙及其
郊野異其男女歲登下其死生及三年大比以

萬民之數詔司寇司寇及孟冬祀司民之日獻
其數于王王拜受之登于天府內史司會冢宰
貳之以贊王治

司民主民數登上也男八月女七月而生齒
版今戶籍也下猶去也每歲更著生去死徐
幹曰民數國之本也先王周知其數乃分九
職焉則勤惰可問事役必均人竭其力國家
殷富大小不匱下無怨疾此孟冬獻數王受
拜之登于天府其重之如此而復維持以六

鄉六遂之法使其鄰比相保賞罰相及故出

拜之登于天府其重之如此而復維持以六
鄉六遂之法使其鄰比相保賞罰相及故出
入存亡臧否逆順可得而知也後世不然戶
口漏于國殷夫家脫于聯伍避役逋逃有之
于是姦心競生僞端並作竊盜攻劫刑令莫
救民數者庶事之所自出以分田里以令貢
賦以造器用以制祿食以起田役以作軍旅
國以建典家以立度五禮用修九刑用措其
惟審民數乎

司民

中士二人府一人史二人胥二人徒二十人

掌五刑之法以麗

萬民之罪墨罪五百劓罪五百宮罪五百剕罪五百殺罪五百若司寇斷獄弊訟則以五刑之法往詔刑罰而以辨罪之輕重

此職專掌刑書五百者犯罪之條某罪當某刑也司寇斷獄弊訟之時則奉刑書往告之辨所犯之輕重而施刑罰也

司刺

下士二人府一人史二人徒四人

掌三刺三宥三赦之法

以贊司寇聽獄訟一刺曰訊羣臣再刺曰訊羣吏三刺曰訊萬民一宥曰不識再宥曰過失三

宥曰遺忘一赦曰幼弱再赦曰老旄三赦曰蠢

吏三刺曰訊萬民一宥曰不識再宥曰過失三宥曰遺忘一赦曰幼弱再赦曰老旄三赦曰蠢愚以此三法者求民情斷民中而施上服下服之罪然後刑殺

罪雖當死然不遽殺之一則詢公卿大夫二則詢諸府史之卑三則詢諸國人之衆國人皆以爲可殺而後施刑焉三訊則于我無憾矣然又求以寬之曰豈其人之不識乎豈其人之過誤乎豈其人之遺忘乎三者皆非故宥以寬之也又求之于心曰其人年小而微

弱也其人年老而昏耄也其人蠢愚而無知也三者皆可矜則不止于宥而直舍之也所謂民中者如此然後刑之殺之則彼我俱無憾矣

司約

下士二人府一人史二人徒四人

掌邦國及萬民之約劑

治神之約為上治民之約次之治地之約次之治功之約次之治器之約次之治摯之約次之凡大約劑書于宗彝小約劑書于丹圖若有訟者則珥而辟藏其不信者服墨刑若大亂則六

官辟藏其不信者殺

者則珥而辟藏其不信者服墨刑若大亂則六
官辟藏其不信者殺

約以識劑刻約之辭有約必有劑故太史職
與此皆約劑並稱神約謂社稷山川宗廟所
命祀者民約謂分土畀民若晉懷宗九姓魯
衛殷氏八族七族是也功約如王功國功爵
賞所頒也器約謂宮室車服所當用也摯約
謂玉帛禽鳥所當執也劑券書也太約劑邦
國之要也則書于宗廟之彝器小約劑萬民
之約也則書于官府之丹圖有爭約劑而訟

者則先殺牲以釁之然後開辟府藏取約書而視之其不如約書者則施以墨刑大亂謂僭亂廢約如魯用天子禮樂託為先王之賜吳楚僭號稱王不用先王之封若此類者其罪非小故六官同開藏約之書以視之有不如約者則誅之也

司盟 下土二人府一人史二人徒四人 掌盟載之法凡邦國有

疑會同則掌其盟約之載及其禮儀北面詔明神既盟則貳之有萬民之犯命者詛其不信者

亦如之凡民之有約劑者其貳在司盟有獄訟

神既盟則貳之有萬民之犯命者詛其不信者亦如之凡民之有約劑者其貳在司盟有獄訟則使之盟詛凡盟詛各以其地域之衆庶共其牲而致焉既盟則爲司盟共祈酒脯

盟結信而誓諸神也約與國恐中背乃書結信之辭于策曰載書殺牲取血坎其牲加書于上而瘞之示不信者如牲要質于鬼神屬司寇者結信省刑也諸侯不協而會同焉則司寇掌其結盟之載書與合盟之禮儀明神如日月山川是也北面詔之者讀載書以告

之也既盟之後上其載書于天府而藏其貳
于司盟也萬民之違命者則盟以結之其有
不信者則詛以禍之盟詛之儀雖異皆北面
以詔明神也民既有約劑矣其後倍約而興
訟則使之盟詛之彼知所敬畏者自將弭訟
息爭矣凡盟各隨其地衆共牲既盟則以酒
脯祭司民之神使不信者以受其禍也記曰
爭奪鬪殺人之患講信修睦人之利司約司
盟以講信修睦而和難息爭與司徒調人同

義

葉氏曰周官有詛祝有司盟橫渠亦嘗疑之
以爲王法不行人無所取直故要之于神決
非周公之意然不可以此病周公也蓋周公
立法非爲當時慮爲後世慮也周公知時變
之不可回人情之不可遏故事爲之制曲爲
之防詩云侯詛侯祝靡屆靡究君子屢盟亂
用是長周公逆知後之必至此也故詛祝有
官掌作盟祝之載辭以敘國之信用以質邦

國之劑信司盟有官掌盟載之法與盟約之
禮儀邦國之有疑會同者則北面詔明神盟
萬民之犯命者詛其不信者有獄訟使之盟
詛焉夫所以盟詛者獄訟一也有疑會同二
也萬民犯命不信三也有是三事而盟詛焉
則詔之于明神歎之于牲血祈之以酒脯約
之以載辭亦期于相信而已此所以先結其
信于未叛之前也既盟詛矣而又有不信者
則司約所掌有訟者服墨刑大亂者殺太史

所掌若約劑亂則辟法不信者刑之也此所

則司約所掌有訟者服墨刑大亂者殺太史

所掌若約劑亂則辟法不信者刑之也此所以繼施其刑于不信之後也豈有王政不行人無所取直而姑一聽之神耶且詛祝一官固爲禮官之屬而在太史之前司盟一職是爲刑官之屬而繼司約之後是其始焉之不信者固有盟終焉之不信者則有刑也昔展禽有言曰周公太公股肱王室成王勞而賜之盟曰世世子孫無相害也載在盟府太史職之周公太公固無待于盟然後人必以盟

而爲據則人心之賴盟者亦固矣迨至春秋
斯盟替矣春秋作于隱公元年所書未遑他
事首之以邾之盟繼之以宋之盟自時厥後
書來盟書涖盟然盟墨牲血之未乾使聘邦
交之未返而侵伐之兵已環四境是盟也果
有信用之收果有劑信之約否乎觀周禮之
司盟而知世變之猶可防觀春秋之書盟而
知世變之不可遏故嘗謂周公立法爲衰世
慮而孔子作春秋亦所以救周禮之壞而拯

世道之窮不獨詛盟一事爲然也田制壞而

慮而孔子作春秋亦所以救周禮之壞而拯

世道之窮不獨詛盟一事爲然也田制壞而
春秋以稅畝田役書軍賦壞而春秋以丘甲
三軍書三日之役不均而春秋以城築書九
伐之法不正而春秋以侵伐書講武之田不
時而春秋以大蒐大閱書救荒之政不施而
春秋以大饑請糴書宗伯之賓禮廢而春秋
有來朝來聘之書司徒之封疆廢而春秋有
歸田易田之書太史之告朔不頒而春秋書
不視朔司烜之火禁不修而春秋書宣榭火

保章失其官而春秋書日食書星孛職方失其官而春秋書彭城書虎牢圓丘之祀不典而春秋以下郊書以猶望書廟祧之序不明而春秋以立宮書以躋祀書昏姻之禮失而春秋書曰夫人遜于齊曰季姬歸鄆貢獻之禮失而春秋書曰家父求車曰毛伯求金典命之職不修而春秋書曰天王使來錫命天府之藏不謹而春秋書曰盜竊寶玉大弓此類實繁未易殫舉無非以權衡一字之微而

救禮經二百之壞也周公慮後世之深于是

類實繁未易殫舉無非以權衡一字之微而

救禮經三百之壞也周公慮後世之深于是乎詳曲防之制孔子救後世之力于是乎嚴直筆之書世道盛衰實賴二聖人先後為之維持也不然孔子何拳拳于周公之夢而戚戚于周公之衰欤

職金 上士二人下士四人府二人 掌凡金玉錫

石丹青之戒令受其入征者辨其物之媿惡與其數量揭而璽之入其金錫于為兵器之府入其玉石丹青于守藏之府入其要掌受士之金

罰貨罰入于司兵旅于上帝則共其金版饗諸
侯亦如之凡國有大故而用金石則掌其令

金玉錫石丹砂空青同出于山邠人等主其
取此官則主其受也受其入征者非諸侯之
貢取于有地者之征也辨其媿惡別物之貴
賤也與其數量計多寡也揭其名物加以印
封所以謹其藏也金錫可以爲兵器故入于
橐人玉石丹青非所常用者故入于玉府要
所入之總數也金罰卽鈞金貨罰沒官之貨

也入于司兵者金以作兵器貨以市物料也

所入之總數也金罰卽鈞金貨罰沒官之貨

也入于司兵者金以作兵器貨以市物料也
金版蓋以金飾版皇邸所用也大故謂大喪
也

司厲

下士二人史一人徒十有二人

掌盜賊之任器貨賄辨其

物皆有數量賈而揭之入于司兵其奴男子入
于罪隸女子入于舂槩凡有爵者與七十者與
未齟者皆不為奴

任器貨賄謂盜賊所用傷人兵器及所盜財
物也入于司兵任器可用者用之貨賄亦以

造兵器以為盜者禦盜也其罪未至死或從死而減若家屬從坐者役于司隸與舂人橐人之官也由是觀之今為奴古之罪人也故書曰予則奴戮女罪隸之奴也有爵謂命士以上齟毀齒者家語曰男八月生齒八歲齟齒女七月生齒七歲齟齒不為奴者貴貴老老幼幼之義也

犬人下士二人府一人史二人賈四人徒十有二人掌犬牲凡祭祀共

犬牲用拴物伏瘞亦如之凡幾珥沈辜用駝可

也凡相犬牽犬者屬焉掌其政令

也凡相犬牽犬者屬焉掌其政令

犬金畜主守故獄爲犴狴狴色純伏謂輓祭
王將祭而出國則伏犬牲以車轢之而去瘞
謂地祭爾雅曰祭地曰埋瘞幾珥士師所謂
玃珥則奉犬牲是也沈辜大宗伯所謂以貍
沈祭山林川澤以鬻辜祭四方百物是也夫
用駝不若用狴之爲善故曰可也相犬察知
其善惡者以其屬有賈四人也犬有三種田
犬吠犬食犬若田吠觀其善惡若食犬觀其

肥瘠故皆須相之牽天者少儀曰犬則執紼

是也以其屬有徒十六人也

司園

中士六人下士十有二人府三人史六人胥十有六人徒百有六十人

掌收

教罷民凡害人者弗使冠飾而加明刑焉任之以事而收教之罷改者上罪三年而舍中罪二年而舍下罪一年而舍其不能改而出園土者殺雖出三年不齒凡園土之刑人也不虧體其罰人也不虧財

園土所收教乃過失害人已麗于法者國語

曰罷士無伍罷女無家言為惡無所容也收

園土所收教乃過失害人已麗于法者國語

曰罷士無伍罷女無家言爲惡無所容也收
教者收入園土其人能悔過自新改行爲善
是亦教之也害人者卽罷民所爲皆害人之
事也弗使冠飾者著墨幪若古之象刑也明
刑者以板牘書其罪狀與姓名著于背表以
示人也任之以事者罰作也三者皆所以欲
其改過而從善也是之謂收教不虧體不虧
財言其刑也但加以明刑罰任之以事而能
改者舍之異于五刑之傷肌五罰之出緩也

掌囚

下士十有二人府六人史十有二人徒百有二十人

掌守盜賊凡囚

者上罪梏拳而桎中罪桎梏下罪梏王之同族

拳有爵者桎以待弊罪及刑殺告刑于王拳而

適朝士加明梏以適市而刑殺之凡有爵者與

王之同族拳而適甸師氏以待刑殺

凡囚者非必盜賊或以他罪拘者也木其手

曰拳木其項曰梏木其足曰桎三木備重囚

也輕者桎而已王之同族及命士以上雖有

上罪或拳或梏而已此所以親親而貴貴也

以待弊罪則拘之至于斷罪而後已告刑于

上罪或奉或梏而已此所以親親而貴貴也

以待弊罪則拘之至于斷罪而後已告刑于
王告王以今日當行刑也適朝者爲王欲有
所赦且當以付士也卿士加明梏者書其姓
名及其罪于梏而著之也囚時雖有無梏者
至于刑殺皆設之以適市也庶姓無爵者皆
刑殺于市謂梟其惡爲萬民之戒也適甸師
氏亦由朝乃往也待刑殺掌戮將自市來也
文王世子曰雖親不以犯有司正術也所以
體異姓也刑于隱者不與國人慮兄弟也必

甸師氏者示得罪于天地祖宗也

掌戮

下士二人史一人徒十有二人

掌斬殺賊謀而搏之凡殺

其親者焚之殺王之親者辜之凡殺人者踣諸市肆之三日刑盜于市凡罪之麗于法者亦如之唯王之同族與有爵者殺之于甸師氏凡軍旅田役斬殺刑戮亦如之墨者使守門劓者使守關宮者使守內刑者使守圉髡者使守積斬以鈇鉞若今要斬也殺以刃刀若今棄市也邦賊邦謀謀危社稷罪至重斬殺之搏諸

城上謂去衣而磔之也親總服以內也焚之

也邦賊邦謀謀危社稷罪至重斬殺之博

城上謂去衣而磔之也親總服以內也焚之不存其形也辜之不全其體也踣僵尸也僵其尸暴露于市而不覆蓋使衆視而懲之也刑盜于市所謂刑人于市與衆棄之也亦如之者合入死者亦踣之合入四刑者雖不踣亦刑之在市故總言亦如之也唯王之同族與有爵者殺于甸師氏謂不踣也旣言于掌囚此復言之者掌囚奉而適甸師氏以待刑掌戮正以殺爲事也軍旅田役謂執敵俘及

犯命者亦傲上事為差墨者以下皆處罪未
 至死者墨劓無妨于禁禦故可守門關且使
 人皆見之所以為戒也宮者人道絕故使守
 內別者斷足驅衛禽獸無急行故可守園也
 王族不宮為翦其類也髡頭而已守積有以
 用之矣先王之于刑民其處之得所而養之
 有道如此

司隸

中士二人下士十有二人府五人
 史十人胥二十人徒二百人

掌五隸之

法辨其物而掌其政令帥其民而搏盜賊役國

申之展其事為百官積任器凡四執人之事邦國

法辨其物而掌其政令帥其民而搏盜賊役國
中之辱事爲百官積任器凡囚執人之事邦國
有祭祀賓客喪紀之事則役其煩辱之事掌帥
四翟之隸使之皆服其邦之服執其邦之兵守
王宮與野舍之厲禁

五隸罪隸與四翟之隸也物謂衣服兵器之
屬民謂五隸之民也盜賊之未獲者則帥而
搏之國事之煩辱者則帥而役之百官任用
之器亦其民爲積之也服邦服以其所素安
執邦兵以其所素習在內則使之守王宮在

外則使守野舍之厲禁皆司隸帥之也

罪隸百有二
十人掌役百官府與凡有守者掌使令

之小事凡封國若家牛助為牽傍其守王宮與

其厲禁者如蠻隸之事

罪隸發遣在司厲司隸主收役之此以下非

屬官百官與有守者則罪僕為之役雖克其

役亦掌使令之小事而已封國若家謂建諸

侯立大夫也牛助國以牛助其轉徙也在前

曰牽在傍曰傍皆罪隸為之送致也

蠻隸百有二
掌役校人養馬其在王官者執其

日牽在傍日傍皆罪隸爲之送致也

蠻隸百有二 掌役校人養馬其在王宮者執其

國之兵以守王宮在野外則守厲禁

校人有徒八十人然王馬三千餘匹不足以

給其役故蠻隸兼役其事也國有大事則守

王門舍則守王閑

閩隸百有二 掌役畜養鳥而阜蕃教擾之掌子

則取隸焉

掌役畜養鳥役于掌畜爲之養鳥也阜蕃教

擾養鳥之事也子鳥所生閩隸掌阜蕃其物

則養之而使取隸于巴也鄧元錫氏謂掌作
長言四翟之隸有定員後或難繼生子而長
擇以克隸于是乎取之此四隸互文

夷隸

百有二
十人

掌役牧人養牛馬與鳥言其守王

宮者與其守厲禁者如蠻隸之事

牧人掌牧牛馬者夷隸則受役于牧人以共

芻莖之事而養牛馬焉夷狄之人或曉鳥獸

之言後世亦有之

折

貉隸

百有二
十人

掌役服不氏而養獸而教擾之掌

與獸言其守王宮者與其守厲禁者如蠻隸之事

與獸言其守王宮者與其守厲禁者如蠻隸之事

獸謂熊虎兕象之屬不言阜蕃者猛獸不乳于圈檻也與獸言如介葛盧聞牛鳴而識其所言也

陳氏曰古之宿衛王宮不特士庶子而已有虎賁之虎士司隸之五隸虎士有卒伍而四翟之隸有兵國有大事則守王宮或在舍則守王閑軍旅會同則授虎士戈盾則王之在

國與在野可謂嚴矣然必使四翟之隸者以
著王之所守在四夷也或使帥民之屬帥之
者以著王之使武以文也四隸所守皆如蠻
隸之事者周之時以南方爲尤遠尤貴其來
故掌四夷之官曰象胥而奏樂亦以南詩曰
以雅以南記曰胥鼓南則周人之意可知矣

周禮說卷之十二

終

浙



浙江圖書館

浙江圖書館善本

登記號： 000718

一九 年 月 日

周禮說卷之十二

八〇〇〇



浙江圖書館

Blue Cyan Green Yellow Red Magenta White 3/Color Black

TIFFEN Color Control Patches


© The Tiffen Company, 2007

Centimetres

Inches




浙江圖書館





浙江圖書館



TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------